



Broj: 02-49- 01877/17-4  
Datum: 29.11.2017. godine

Na osnovu člana 70. Stav 1., 3. i 6. Zakona o javnim nabavkama („Službeni glasnik BiH“, broj:39/14) i preporuke Komisije za javne nabavke za dodjelu ugovora date u Zapisniku o pregledu i ocjeni ponuda broj: 02-49-01877/17-3 od 22.11.2017. godine, Općinski načelnik d o n o s i:

## ODLUKU O DODJELI UGOVORA NAJPOVOLJNIJEM PONUĐAČU

### I

Ugovor za javnu nabavku robe - nabavka metalnih stubova za javnu rasvjetu, dodjeljuje se „**MIG ELEKTRO**“ d.o.o **Ul. Radnička br. 9 , 70260 Mrkonjić Grad**, kao najpovoljnijem ponuđaču za ukupnu ponudenu cijenu od 15.000,00 KM (bez PDV-a) odnosno 17.550,00 KM ( sa PDV-om).

### II

Primjerak ugovora dostavit će se odabranom ponuđaču u roku od 15. dana od dana kada su svi ponuđači obavješteni o izboru napovoljnijeg ponuđača.

### III

Ova odluka donesena je, nakon okončanog postupka javnih nabavki provedenog na osnovu odluke načelnika Općine Donji Vakuf, broj: 02-49-01877/17 od 23.10.2017.godine, putem otvorenog postupka za dostavu ponuda broj: 02-49-01877/17 od 23.10.2017. godine odnosno 31.10.2017. godine , provedene e-aukcije dana 27.11.2017. godine te preporuke Komisije za javne nabavke za dodjelu ugovora date u Zapisniku o pregledu i ocjeni ponuda broj: 02-49-01877/17-3 od 22.11.2017. godine.

Javna nabavka je objavljena na portalu javnih nabavki pod brojem: 1344-1-1-17-3-9/17 od 23.10.2017. godine kao i Ispravka obavještenja 1344-1-1-17-8-10/17 od 31.oktobra 2017. godine i Obavještenje o javnoj nabavci sa ispravkom 1344-1-1-17-3-9/17 od 31.oktobra 2017. godine.

### IV

Zadužuje se Služba za prostorno uređenje, katastar i imovinsko-pravne poslove, da u suradnji sa Službom za poslove općinskog vijeća i općinskog načelnika poduzme aktivnosti vezano za realizaciju ove odluke.

### V

Odluka stupa na snagu danom donošenja iste, a bit će objavljena na službenoj web-stranici općine Donji vakuf [www.donji-vakuf.ba](http://www.donji-vakuf.ba) i dostavljena svim ponuđačima koji su učestvovali u postupku javne nabavke.

## O b r a z l o ž e n j e

Dana 23.10.2017. godine Općinski načelnik je svojom odlukom broj: 02-49-01877/17, pokrenuo postupak javne nabavke robe- nabavka metalnih stubova za javnu rasvjetu .

Procjenjena vrijednost javne nabavke je 25.000,00 KM bez PDV-a.

Kako se radilo o javnoj nabavci procjenjene vrijednosti preko 6.000,00 KM a manjoj od 50.000,00 KM to je odlučeno da se javna nabavka izvrši putem otvorenog postupka za prikupljanje ponuda kao i provođenjem e- aukcije, te je obavjest o javnoj nabavci prosljeđena na portal javnih nabavki i objavljena pod brojem: 1344-1-1-17-3-9/17 od 23.10.2017. godine u 11:51 sati te objavljena u Službenom glasniku BiH broj:77/17 dana 27.10.2017. godine. Kako je u toku preuzimanja tenderske dokumentacije bilo pitanja to je ugovorni organ dana 31.10.2017. godine putem portala javnih nabavki izvršio objavu Ispravka obavještenja 1344-1-1-17-8-10/17.

Nakon proteka roka za dostavu ponuda koji je bio 21.11.2017. godine do 12:00 sati Komisija za javne nabavke je na sjednici održanoj 21.11.2017. godine u 13:00 sačinila Zapisnik o otvaranju ponuda te konstatovala da je u skladu sa Zapisnikom o prijemu ponuda broj. 02-49-01877/17-1 sačinjenim u prijemnoj kancelariji:

- blagovremeno pristigle 4 (četiri) ponude i to:
  - 1) Brend Co d.o.o Tuzla;
  - 2) Mig Elektro d.o.o Mrkonjić Grad;
  - 3) Adut plus d.o.o Banja Luka;
  - 4) Vinčević metal tehnika d.o.o Donji Vakuf;
- da nije bilo neblagovremeno pristiglih ponuda.

U postupku donošenja ove odluke posebno su cijenjene činjenice da je Komisija za javne nabavke u skladu sa članom 65. Zakona o javnim nabavkama, pravilno i potpuno izvršila ocjenu kvalificiranosti ponuđača shodno tenderskoj dokumentaciji a prema kojoj je ocijenila da ponude ponuđača Brend Co d.o.o Tuzla i Vinčević metal tehnika d.o.o Donji Vakuf treba ODBACITI.

Ponuda ponuđača „**BREND CO**“ d.o.o **Ul Aleja Alije Izetbegovića 25-XIII/39 75000 Tuzla** je ODBAČENA. Razlog za odbacivanje ponude navedenog ponuđača sadržan je u činjenici da ponuđač nije ispoštovao zahtjev, odnosno ispunio uslov, ugovornog organa Općine Donji Vakuf postavljen u tenderskoj dokumentaciji pod tačkom 13.2 Naime, ugovorni organ je postavio uslov da ponuđač mora dokazati svoju ekonomsku i finansijsku sposobnost a u skladu sa članom 47. ZJN tako što će dokazati da mu računi otvoreni kod poslovnih banaka nisu blokirani u posljednjih 6 (šest) mjeseci. Valjan dokaz po ovoj tački tenderske dokumentacije je Izvještaj Centralne banke BiH, koji sadrži podatke o svim otvorenim bankovnim računima pravne osobe. Kako bi ponuđači dokazali da svi njihovi bankovni računi nisu bili blokirani u posljednjih šest (6) mjeseci prije prijave na predmetni postupak javne nabavke dostaviti će potvrde koje izdaje druga finansijska institucija (sve banke kod kojih su računi otvoreni) kojima se dokazuje da svi otvoreni računi ponuđača nisu bili u blokadi u posljednjih šest (6) mjeseci prije prijave na predmetni postupak javne nabavke. Uvidom u dostavljenu ponudu utvrđeno je da je ponuđač priložio Izvještaj Centralne banke BiH i potvrdu SBERBANK BiH d.d Sarajevo ali da NIJE priložio potvrdu NOVE BANKE a.d Banja Luka kod koje također ima otvoren račun. Imajući u vidu navedeno ponuda je i odbačena.

Ponuda ponuđača „**VINČEVIĆ METAL TEHNIKA**“ d.o.o **Ulica 770. Slavne brdske brigade 29-A 70220 Donji Vakuf** je ODBAČENA. Razlog za odbacivanje ponude navedenog ponuđača sadržan je u činjenici da ponuđač nije ispoštovao zahtjev, odnosno ispunio uslov, ugovornog organa Općine Donji Vakuf postavljen u tenderskoj dokumentaciji pod tačkama 13.1; 13.2 i 13.3. Naime, ugovorni organ je pod tačkom 13. 1 postavio uslov da ponuđač mora imati sposobnost za obavljanje profesionalne djelatnosti a što dokazuje dostavljanjem aktuelnog izvoda iz sudskog registra a koja mora biti ovjerena kopija originala. Uvidom u ponudu utvrđeno je da je ponuđač priložio izvod iz sudskog registra ali da isti nije ovjeren. Ugovorni organ je pod tačkom 13.2 postavio uslov da ponuđač mora dokazati svoju ekonomsku i finansijsku sposobnost a u skladu sa članom 47. ZJN tako što će dokazati da mu računi otvoreni kod poslovnih banaka nisu blokirani u posljednjih 6 (šest) mjeseci. Valjan dokaz po ovoj tački tenderske dokumentacije je Izvještaj Centralne banke BiH, koji sadrži podatke o svim otvorenim bankovnim računima pravne osobe. Uvidom u ponudu utvrđeno je da je ponuđač dostavio samo potvrdu ProCredit Bank d.d Sarajevo ali da nije priložio Izvještaj Centralne banke BiH. Ugovorni organ je pod tačkom 13.3 tražio Spisak izvršenih ugovora u posljednje dvije godine ili od datuma registracije i potvrde o uredno izvršenim ugovorima izdate od strane naručioca koje moraju sadržavati sljedeće podatke:- naziv i sjedište ugovornih strana ili privrednih subjekata;- predmet ugovora;- vrijednost ugovora;- vrijeme i mjesto izvršenja ugovora;- navode o uredno izvršenim ugovorima. Uvidom u ponudu utvrđeno je da ponuđač nije ispunio ni ovaj uslov jer nije priložio potvrdu o uredno izvršenim ugovorima izdatu od strane naručioca nego fotokopiju Ugovora o saradnji sa firmom iz Austrije. Imajući u vidu sve gore navedeno ponuda je i odbačena.

Nakon izvršenog pregleda ponuda došlo se do rang liste :

Redni broj	Naziv ponuđača	Cijena kao kriterij za odabir najpovoljnije ponude bez PDV-a	Cijena kao kriterij za odabir najpovoljnije ponude sa PDV-om	Ponudeni popust
1.	„ADUT PLUS“ d.o.o Banja Luka	19.335,00	22.621,95	Ne
2.	„MIG ELEKTRO“ d.o.o Mrkonjić Grad	21.750,00	25.447,50	Ne

Dana 27.11.2017. godine u skladu sa tenderskom dokumentacijom ugovorni organ je putem portala javnih nabavki izvršio e- aukciju te nakon iste utvrđena je nova rang lista:

Redni broj	Naziv ponuđača	Cijena kao kriterij za odabir najpovoljnije ponude bez PDV-a
1.	MIG ELEKTRO d.o.o Mrkonjić Grad	15.000,00
2.	ADUT PLUS d.o.o Banja Luka	15.080,00

Imajući u vidu sve gore izneseno, odredbu člana 64. stav 1. tačka b) najniža cijena ponude, Zakona o javnim nabavkama, preporuku Komisije za javne nabavke datu u Zapisniku o pregledu i ocjeni ponuda od 22.11.2017, godine odlučeno je kao u dispozitivu ove Odluke.

#### POUKA O PRAVNOM LIJEKU:

Protiv ove odluke može se izjaviti žalba u roku od 10 (deset) dana od dana prijema ove Odluke. Žalba se podnosi u pisanoj formi ugovornom organu u dovoljnom broju primjeraka, a koji ne smije biti manji od tri.

Dostaviti:

1. Ponuđačima x 4
2. U spis
3. a/a

